

# mainatges d'òc **PLUMALHON**

## Jòc-concors

Participa a nòstre  
concors de  
fotografias  
e ganha un sac  
de dormir !



(5,34 €)



Lo conte



Rigoberta



Menchú

# La cigonna blanca





# Reüssir Las fotografias de vacances

Lèu seràn las vacances.  
Benlèu auràs enveja de far de  
fotografias. Aquí qualques  
idèas per reüssir tos imatges.

Te cal un aparelh de fotografia.  
Ara, se troba d'aparelhs getables  
que te permeton de far de 24 a  
27 fotografias. Causís ne un qu'aja  
un flash.

I a dos biaisses de téner un aparelh  
de fotografia. Verticalament : aquela  
posicion es apelada « retrach ».  
Orizontalament : se ditz que la fotò  
es en païsatge. L'objecte qu'òm  
fotografia nos mena a causir un  
format o l'autre.

E puèi sustot, mesfisatz-vos de  
metre pas los dets sus la  
lentilha de l'objectiu o  
sul flash : la fotografia  
valdriá pas res !



## Primièr exemple

Elsa ven de trobar una polida glèisa.  
Recuola per la poder prene entiera.  
Solament, cossí la fotografiar, en  
retrach o en païsatge ?

A tu de o decidir en espiant l'uèlh de  
l'aparelh. Aquò te donarà una idèa de la  
fotografia. Elsa a causit de far una fotografia  
verticala, tot simplement, per que lo cloquièr  
de la glèisa es plan naut. Coma o pòdes veire,  
en tenent l'aparelh orizontalament, Elsa a  
copada la teulada del cloquièr. Alara, a causit  
de téner l'aparelh verticalament, e aqueste còp,  
la glèisa es entiera.

Abans de tirar la fotografia a agachat ont se  
trobava lo solelh. Generalament, quand fas una  
fotografia, agacha d'aver lo solelh per l'esquina.  
Aital, ton subjècte serà plan esclarat.



## Segond exemple

Sèm sus la riba d'un lac e sus una plaja.  
Que fotogafietz un lac o la mar, cal totjorn  
agachar l'horizont. L'error pus frequenta es  
d'aver un horizon qu'es pas... orizontal. As ja  
vist un lac en penda o una mar de travèrs ? Non,  
jamai, l'aiga es totjorn orizontala. Agacha donc  
que siá aital dins ton visor.



A la mar, i a d'aiga e de  
sable : fai atencion, un  
aparelh simple, l'aiga  
ni mai lo sable li agradan  
pas. Existisson d'aparelhs  
getables estancs. Pòden  
servir per far de  
fotografias dins l'aiga.


## Tresen exemple

A la fin de l'estiu, los auratges fan sortir  
los camparòls. N'i a de bravament  
colorats. Es lo cas d'aquelas amanitas.  
Solament, dins los bòsques, manca sovent de  
clartat. Es lo moment de te servir del flash que  
donarà lo lum que manca. Quand as acabat,  
tòques pas los camparòls, que d'unes que i a  
son plan toxics !



Un aparelh fotografic, cal pas que demòre  
al solelh tròp bèl brieu. Alara, quand as acabat  
de fotografiar, estrèma-lo, que siá a l'ombra.






Se vòls fotografiar una flor, met-te a un  
cinquantenat de centimètres al mens,  
cadra-la plan e cacha sul boton !

**F**otografiar de bèstias  
salvatjas es gaireben  
impossible amb un  
aparelh getable. Per contra  
pòdes tirar la fotografia de ton  
can, del cat o encara de cavals, de  
fedas, de vacas o d'autres bèstias  
que pòdes veire dins un zoò.  
Quand fotografias un cat o un can,  
agacha d'èsser pas tròp prèp d'el.  
Cavals, fedas, ases o vacas,  
fotografia-los de perfil, dins un  
decòr que los meta en valor.  
Fai plan atencion, e  
demòra deçà de las  
barraduras.



## Quatren exemple

**L**a prima e l'estiu, es lo moment de far de  
polits imatges de flors. T'arribarà de i  
trobar d'insèctes. Tanplan, auràs enveja de  
los fotografiar. Te cal saber que los aparelhs  
getables son pas faches per aquel tipe de  
fotografia. Los insèctes son tròp pichons per  
l'objectiu de ton aparelh. La fotografia serà  
trebola, donc serà mancada. Val mai que  
prengas una flor entièra puslèu que de voler far  
un gròs plan.



**Aqui, ara as pas qu'a partir cercar  
çò que mai t'agrada, de plan  
agachar ont es lo solelh, de far  
un bon cadratge...  
E puèi estabosiràs tos  
parents amb de  
fotografias dignas d'un  
professional !**



# Participa al nòstre grand concors !!!



### Cossí participar ?

#### Es simple !

Manda-nos tas pus bèlas  
fotografias de vacances (5 al  
mai). Acompanya-las d'un tèxte  
de presentacion cort. Benlèu  
ganharàs aquel polit sac per  
dormir de pluma qu'ofrís la  
societat Pyrenex !  
Oblides-pas d'emplir lo fulhet de  
responsa.



Una jurada causarà las melhoras  
fotografias recebudas e decidirà quina  
cal publicar e premiar.  
Envia-nos tas fotografias abans  
lo 5 de setembre de 2003.



**Pensa de nos mandar la tiá fotò. Se  
vòls, te pòdes dessenhà tanben.  
Pòdes far las doas causas  
quitament !**

A la pagina 2, tròba lo ganhaire de l'aparelh  
fotò de nòstre concors de cinemà.

Nom : .....  
Pichòt nom : .....  
Adreça : .....  
Còdi Postau : .....  
Vila : .....  
Tel. : .....

Ofèrta reservada als legeires de Plumalhon, Louarnig, Pika  
e Mil Dimonis en aplicacion de l'article 27 de la lei del 6  
de genièr de 1978. Las informacions çai-sus son  
indispensablas pel tractament de vòstra comanda e  
son comunicadas als destinataris que las tractan.  
Aquestes garentisson l'exercici del drech d'accès e  
de rectificacion alrèp de Vistedit. Vos podètz  
opausar a çò que vòstres noms e adreças sián cedits  
ulteriorament.

#### EXTRACH DEL RÈGLAMENT

Los ganhaire seràn avisats per telefòne o per  
corrièr dins la setmana que seguirà la deliberacion  
de la jurada. Lo règlament complet es disponible  
sus demanda e mandadís d'una envòlpa  
timbrada.

